

佛祖統紀卷第五十四

宋咸淳四明福泉沙門

志磐

撰

歷代會要志第十九之四

三教出興

三教允運

三教詆偽

三教談論

僧道有法

僧先道後

內律分財

僧制治罰

僧籍免丁

賜謚封塔

褒恤終亡

臨終瑞相

君臣慢法

韓歐排佛

化胡偽經

事魔邪黨

毀法惡報

三教出興

釋

道

儒

周昭王二十六年甲寅四月八日佛從母夫人右脇而出自行七步舉右手而言曰天上天

永樂北藏

佛祖統紀

第二〇〇册

下唯我獨尊。○四月八日五色光氣入貫紫微太史蘇由曰有大聖人生於西方佛子生於三十五年。○穆王五十三年壬申二月十五日佛在俱尸那城娑羅雙樹間入般涅槃。○二月十五日西方白虹十二道南北通貫山川震動太史扈多曰西方聖人終亡之相。○穆王時父殊目連西來化王於終南山造三會道場王子造迦葉佛像。○襄王三年秦繆公獲石像由余曰佛神也。秦始皇四年西域沙門室利房等十八人持經至帝囚之有丈六金神破戶出之。漢武帝元狩四年霍去病討匈奴得祭天金

人長丈餘帝列於甘泉宮焚香禮敬。成帝鴻嘉二年劉向校書天祿閣往往見有佛經。哀帝元壽元年景憲使月氏得浮屠經還漢明帝永平七年帝夢金人大六飛行殿庭傳毅曰西方聖人其名曰佛帝乃遣蔡愔等往西域於月氏遇摩騰竺法蘭得佛像梵經

載以白馬達于洛陽

此明三寶具足

列子著書稱孔子答商太宰曰西方之人有瞿者焉不治而不亂不言而自信不化而自行

文中子或問佛曰聖人也其教如何曰西方之教也

已上釋教出典

周定王三年九月十四日老子生於楚陳郡在孔子前五十四年。簡王四年老子為周守藏吏十三年為柱下史。敬王元年入函谷關為尹令著道德經西之流沙。漢靈帝光和二年老君降天台山以大洞靈寶經并三籙感應篇授仙人葛玄

北魏太武延和二年嵩山道士寇謙之遇太上老君命為天師又遇老子玄孫李普父授固籙真經

唐高宗乾封元年幸臺謁老君上尊號曰玄元皇帝聖母曰先天太后。玄宗開元二十九年上夢玄元皇帝遣使得其像置興慶宮

命畫真容置諸郡開元觀詔諸郡立玄元皇帝廟。天寶元年老君降丹鳳門令田同秀奏往尹令曰宅掘取金匱靈符以鎮國改元天寶。二年上老君號曰大聖祖玄元皇帝。七載上老君號曰聖祖大道玄元皇帝。十三載上老君號曰大聖祖高上大道金闕玄元天皇帝。僖宗詔成都老君玄中觀改名青羊宮近官田地多植蔥蒜與穢熏蒸賜錢買歸靖廬北山道。周靈王二十一年十一月庚子孔子生魯陬邑。景王十年孔子朝周問禮於老子。敬王十九年為魯中都宰二十一年為司空二

十二年為大司寇誅少正卯陳三都魯定公受齊女樂三日不聽政孔子遂適衛三十六年自衛反魯刪詩定書繫周易作春秋以魯參孝為作孝經三十九年哀公西狩獲麟孔子傷麟出非時遂絕筆於春秋四十一年四月乙丑孔子卒葬泗水上弟子三千人身通六藝者七十二人。
漢平帝元始元年追謚孔子褒成宣尼公。
宋孝武孝建元年詔建孔子廟。
梁武帝天監四年詔天下立孔子廟。
北魏孝文太和三年謚孔子為文宣公。
唐太宗正觀十一年曰制釋奠以周公為先。

聖孔子為先師至是房玄齡建議請以孔子為先聖顏子為先師陪饗詔可。高宗幸魯祠孔子追封太師。武后追謚孔子為隆道公。玄宗開元二十七年追謚孔子為文宣王。南鄒坐第子封公侯伯。

宋真宗祥符元年幸曲阜謁孔子廟特拜加謚玄聖文宣王五年避聖祖諱改至聖文宣王。仁宗教賜兗州先聖廟飛帛御書殿額祭文。神宗封孟子鄆國公陪饗文宣王廟。哲宗賜先聖廟田百頃幸國子監詣文宣王殿行釋奠禮一獻再拜。徽宗崇寧三年以王安石陪饗文宣王廟五年詔文宣王冕

十二旒服九章政和元年勅先聖廟用二十四戟賜札器大成新樂。欽宗勅毀王安石陪饗已上傳唐玄宗開元十八年敕兩京諸郡立齊太公廟。肅宗上元元年追封太公為武成王祭典同文宣王。

宋真宗祥符元年封太公昭烈武成王。哲宗幸武成王廟肅揖附錄三教厄運儒道釋秦始皇三十四年丞相李斯請以詩書百家語雜燒之有偶語詩書者棄市三十五年以諸生誹謗自除犯禁者四百六十人阮之咸

陽

漢桓帝延熹八年宦官告司隸校尉李膺交結生徒詔捕黨人辭及二百餘人皆天下名賢久之赦黨人禁錮終身○靈帝建寧元年宦官殺太傅陳蕃大將軍竇武捕宗親賓客悉誅之李膺詣獄考死黨人死者百餘人天

陽上

陽上

下儒學有行死徙廢禁六七百人

唐景宗天祐二年朱全忠入長安聚宰相裴

樞朝士三十餘人殺之投屍于河

宋哲宗紹聖三年詔文孝博三十七人為元

祐黨人○徽宗崇寧三年置元祐黨籍司馬

光三百九人刻石文德殿門五年謫出西方

詔毀文德殿黨籍已上

漢明帝永平十四年道士褚善信等請與西

竺摩騰角法不勝費叔才自感而死呂惠通

寺六百二十人並令出家

梁武帝天監二年率群臣士庶發菩提心永

棄道教十六年敕廢天下道觀道士皆友俗

北齊文宣天保六年道士請與釋角法不勝

詔道士並徙剃度自是齊境並無道士

北周武帝建德三年并罷釋道二教已上

晉安帝隆安二年桓玄輔政詔沙汰僧尼廬

山遠法師上書力辨遂寢

陳後主至德三年朝議令僧尼無業者皆休

道智禪師即停搜簡

北魏太武太平真君七年帝信司徒崔浩說
策誅天下沙門焚毀經像後崔浩以罪腰斬
族誅帝為常侍宗愛所弑文成即位大復佛
法

北周武帝建德三年帝信術元嵩說并罷釋

道士

五

道二教並令還俗宣帝即位詔復佛法○靜

帝大定元年詔復釋道二教杜祈入冥見周

武在鐵獄受苦

隋文帝詔周朝廢寺咸與脩管戶口出錢建
立經像○煬帝大業五年詔僧徒無德業者
並令罷道智者弟子大志上表然臂乞興三

寶詔竟不行

唐高祖武德九年太史令傅奕乞廢佛法凡
七上疏詔僧道戒行虧闕者悉令罷道月餘
停前沙汰奕惡病死有人入其闕已付越州
泥黎○玄宗開元二年宰相姚崇奏沙汰僧
尼偽濫者萬二千人並令還俗禁度僧建寺
鐫佛寫經○開元十五年勅天下村坊佛堂
小者並拆除之功德移入近寺公私望風凡
大屋大像亦被殘毀○文宗太和九年翰林
李訓請沙汰僧尼毀大內靈像夜大風壞殿
屋城門帝懼敕停沙汰○武宗會昌五年用
道士趙歸真宰相李德裕謀毀拆天下寺院

僧尼歸俗者二十六萬人長安人夜見穆王
冢吏云李炎奪壽去位宣宗即位捕趙歸真
等十三人誅之李德裕貶死崖州
周世宗顯德七年勅民間銅像輪官鑄錢廢
寺院三千三百所不許私度僧尼有武將周
百勝入真見世宗卧鉄牀受罪本朝太祖大
復佛法
宋徽宗詔釋氏水陸道場不當設三清等位
天帝不應與鬼神同列道法師曰毀佛之禍
兆於此矣○宣和元年用道士林靈素言詔
改佛服天尊服僧尼巾冠執簡稱德士高僧
日華嚴等不奉詔開封尹盛章捕之杖殺之

左街永道法師上書諫上怒流道州臺臣言
寔素妄議遷都改除釋教上寤放死温州二
年詔大復僧尼○高宗紹興十二年詹叔義
上表乞住賣度牒十五年敕僧道納免下錢
侍郎吳秉信請賣度牒被論而出重隱道昌禪師
乞行度牒不報侍郎吳子才乞行度牒罷歸
田里二十年大欽民間銅器寺觀佛像鍾磬
並令置籍每斤收錢二十
文中子曰詩書盛而秦世滅非仲尼之罪
也虛玄長而晉室亂非老莊之罪也齊戒
備而梁國亡非釋迦之罪也釋教
三教詆偽儒道釋

秦李斯初學于荀卿及為秦相請以詩書百家語詣守尉雜燒之
漢靈帝中平初鉅鹿張角事黃老以待水療病號太平道十餘年間眾數十萬時號黃巾賊皇甫嵩討平之
北魏孝莊時冀州沙門法慶渤海李歸伯事鄉人為亂自號大乘佛斬害僧尼焚燒經卷元暹討破之
唐武后時有女人自稱聖菩薩召見時大安禪師至問曰聞汝善觀我心何在三問皆驗師復問之女辭屈變作牝狐下階而走
三教談論

宋明帝幸莊嚴寺觀三教談論
唐高祖幸國學命博士徐曠沙門惠乘道士劉進善講說。太宗詔祭酒孔穎達沙門惠淨道士蔡晃入弘文談論三教。德宗聖節勅給事中徐岳沙門覃延道士葛參成講論三教。勅沙門端甫入內殿與儒道論議
敬宗敕沙門道士四百人於大明宮談論設齋。文宗聖節詔秘書監白居易沙門義林道士楊弘元談論三教。宣宗勅諫議李貽孫國師知玄同道士談論三教
僧道角法
漢明帝五年八山道士乞與西竺聖勝竺法

簡焚經角法不勝呂惠通等並令出家

宋明帝逸士顧懽作夷夏論意黨道教司徒
袁粲為論以駁之謂孔老教俗釋氏出世當
侍何鎮之亦以書抵懽言道家經籍簡陋
陳宣帝南岳慧禪師降伏道士歐陽正則十
四人教貸罪給事僧報云

北齊文宣道士陸脩靜等乞與釋氏角法不
勝並令剃度不從者殺四人

北周武帝詔群臣沙門道士於內殿博議三
教法猛法師立論理勝司諫大夫甄鸞上笑
道論三十六篇

隋客問三教優劣李士諤曰佛日也道月也

儒五星也

唐高宗詔沙門義褒等入宮談論道士李榮
理屈語塞令黃門引榮退席玄宗道士吳
筠造論毀釋氏浙西觀察使陳少遊請神色
法師面決邪正筠竟敗北代宗沙門崇惠
與道士角法告勝賜紫衣

僧先道後

宋明帝顧懽作論以佛道二教齊乎達化

北齊魏收撰魏書作佛老志

唐太宗詔老子李姓是朕之祖名位宜在佛
先沙門智實詣闕申理不許上謂弘福寺
主道徽曰佛老尊卑通人自鑑朕宗柱下

故先老子凡有功德金向釋門太原舊第亦以奉佛未嘗創道觀也云。高宗敕道士隸宗正寺班在諸王次。武后敕僧尼休曰位在道士上。

宋太祖詔令僧道每當朝集僧先道後並立。建僧東道西若遇郊天道左僧右字僧史。

○徽宗勅道士位居僧上。高宗廬山道法師申劄都省崇觀之後道士叨視資品林靈素輩視兩府者甚衆遂令道士冒居僧上靖康建炎道士視官已行追毀而國忌行者寺院衆會猶敢傲然居上今欲復正祖宗舊制云續據太常寺稱因革禮肆赦故事道左僧

右嘉祐編勅紹興新書並以僧道寺觀立文政和條內道在僧上並已刪去尋蒙朝旨應行香立班諸處聚會並依祖宗成法以僧居左。紹興十三年臨安府道正劉若謙申省乞道士位僧上都僧正善達乞檢準紹興三年都省批送法道法師狀繼蒙朝旨依祖宗

曰制以僧在上告示劉若謙取知委

內律分財

唐德宗勅亡僧資財曰例送終之餘分及一衆比來因事官收並緣擾害今仰依曰一準律文分財法官司仍前拘收者以違制論僧制治罰

梁武帝制僧尼犯過依佛律行罰
北魏僧犯殺人依俗格斷餘犯付昭玄都統
以內律判之

唐太宗詔僧徒有過準內律明為條制詔頒
遺教經付京官刺史僧尼業行與經不同者
公私勸勉。高宗禁法師奏二事一者正觀

學

九

以老子位在佛上二者僧道有過同俗推勘
虧辱法門上曰僧用俗法即遣停罷。玄宗
詔僧尼有過一依佛律處分州縣不得擅行
決罰。代宗詔天下官司毋得撻辱僧尼
宋真宗詔僧道有犯公罪聽用贖法敕品官
無故毀辱僧尼口稱禿字者勒停見任庶民

永樂北藏

佛祖統紀

流千里



宣和八年吳國公主敬重空門敕品官庶民
如有毀辱僧尼罵稱禿字者照祥符三年指
揮施行。孝宗乾道元年鄭國公主出家敕
品官庶民有毀辱僧尼罵稱禿字者依祥符
宣和敕旨品官勒停庶民流千里仰天下州
軍徧榜曉諭應僧尼過犯官司不得擅理湏
奏取指揮施行

僧籍免丁



唐武后延載元年勅僧尼曰隸司賓寺今
改隸祠部。玄宗開元十七年詔天下僧尼
三歲一造籍。二十四年勅僧尼隸鴻臚寺

明年仍舊隸祠部道士隸宗正寺以李宗也
○天寶六載勅僧尼屬兩街功德使始令祠
部給牒用綾素。德宗建中三年勅僧尼事
故三綱申州納符告注毀在東於祠部納告
○憲宗元和二年詔僧道隸左右街功德使
○文宗太和五年敕州郡造僧尼籍

梁太祖開平元年勅僧尼改屬祠部

晉天福二年以楊光遠為天下功德使凡寺
院皆屬焉

宋太祖勅僧道隸功德使出家求度策試經
業闕祠部給牒。高宗紹興十五年勅天下
僧道始令納丁錢自十千至一千三百凡九

寺謂之清閑錢年六十已上及殘疾者免
賜謚封塔

晉孝武潛法師亡詔賜錢建塔

燕

唐太宗化度寺僧邕亡上敬悼賜帛勅李百
藥撰碑歐陽詢書。中宗神秀國師亡賜謚
大通。玄宗金剛智三藏亡賜謚灌頂。清

聖

十

源思禪師追謚弘濟禪師歸真之塔。南岳
讓禪師亡謚大慧禪師最勝輪之塔。憲宗
勅曹溪六祖謚大鑑禪師電照之塔。抑宗元
撰碑。穆宗汾陽業禪師賜謚大達國師。
宣宗勅重建東林寺追謚遠法師曰辯覺。
潞山祐禪師亡賜謚大圓。黃檗運禪師亡

賜謚斷際。懿宗德山鑒禪師亡賜謚見性。
○臨濟玄禪師亡賜謚惠照。洞山玠禪師
亡賜謚悟本。追謚南山宣律師曰澄照。趙
州諡禪師亡謚真際。雲居膺禪師亡謚弘
覺。曹山寂禪師亡謚元證。
唐莊宗問道於三聖惠然及亡謚廣濟大師

通寂之塔

新

傳

宋太祖永明壽禪師亡賜謚智覺。太宗追
謚東林遠法師曰圓悟西林永法師曰覺寂。
○明教大師天息災亡謚惠辨。傳教大師
法賢亡謚玄覺。徽宗崇寧元年赦書節父
天下名德未有謚號者仰所屬以聞唐宣律

師賜謚法海慈雲式法師謚法寶南屏臻法
師謚寶相孤山圓法師謚法惠。摩騰三藏
謚啓道圓通法師竺法蘭謚開教持持法師
得大士空紹覺大士李長者顯教妙嚴長者
○高宗天童覺禪師亡謚宏智塔曰妙光。
徑山杲禪師亡謚普覺塔曰寶光語錄入藏。
○光宗惠光訥海師亡謚宗廣慈塔曰普照
裴恤終亡。
宋文帝惠嚴法師亡詔賜錢五萬布五十疋
齊武帝僧遠法師亡帝致書慰弟子法獻
隋文帝曇延法師亡帝親視朝敕王公往臨
唐太宗僧邕法師亡賜帛敕李百藥撰碑歐

陽詢書。玄琬法師亡，遺表僧有過乞以內律治之。上嘉納，遣皇太子臨弔，勅給葬具。高宗獎法師亡，帝哭之，慟廢朝五日，勅用金棺銀槨，五詔哀恤。文宗清涼國師澄觀亡，上輟視朝三日，重臣編素勅葬，終南山石室，勅宰相裴休撰碑。

宋真宗天息災三藏亡，勅有司具禮送終。○法賢三藏亡，勅送終如天息災禮。

臨終瑞相

宋仁宗天錫元禪師別父彥博曰：入滅去焚龕，烟白者博手執，瓶離瓶，烟入瓶中，舍利填滿。○神宗明教高禪師亡，火浴鼻舌眼睛耳。

蒙數珠五物不壞。○歐陽脩居穎上，屏酒肴，臨終借華嚴經讀至八卷而化。○文與可謂崔公度曰：經言不妄語，舌覆面上，即吐舌至眉三指之後，沐浴冠帶正坐而化。○趙抃從重元禪師問心要，聞辟歷聲豁然大省，是年有大星殞于庭，趺坐而化。○徽宗蘇軾卒於毗陵，錢濟明問曰：公平生學佛如何？軾曰：此語亦不受。遂化。○高宗韋太后建延祥觀，還圓法師于馬腦坡陶器舍利無筭。○孝宗參政錢端礼問道於元禪師，後微疾謂機禪師曰：地水火風暫時湊泊，遂斂目而化。

君臣慢法

終

周襄王秦繆公獲石像棄焉坊中夢天帝責誠以問由余往視像曰佛神也魏吳主孫皓得金像灌以不潔俄得腫疾請康僧會受戒疾愈齊東昏侯取瓦官玉像為潘貴妃作釵釧唐高宗獎法師譯因明論尚藥呂才作解毀之有旨令公卿領才就法師禮悔十三○宣宗京城進士孫樵上書言武宗疑二十七萬僧陛下柰何興之於已廢之後帝怒不納宋太祖河南進士李勗造滅邪集以毀佛竊藏經以為衾事聞勗流沙門島○徽宗勗左街道楷賜紫衣師彌楷表辭上怒誅楷州。

筠州惠洪坐交張商英流崖州。詔改佛法永道上書諫上怒流道州。高宗宰相秦檜以徑山宗杲為張九成黨流衡州韓歐排佛唐憲宗迎鳳翔佛骨入禁中刑部侍郎韓愈上表諫曰佛本夷狄之人身死已久枯朽之骨齒穢之餘豈宜以入官禁乞以此骨付之水火永絕根本帝大怒貶潮州刺史愈至潮聞大顛禪師名請入郡問道留旬日尚書孟簡聞愈與大顛遊以書嘉之愈荅言稱大顛頗聰明識道理遠地無可與語故自山召至州郭留數十日實能外形骸不為事物侵亂

非崇信其法求福田利益也簡復報之曰釋
氏之教大明善惡之異路敷天下神道報應
之微為廣其道柰何韓君以愚人下俚翁嫗
之情見待之邪云云柳宗元送浮菴浩初序
退之好儒未能過揚子之書於莊墨申韓皆
有取焉浮菴者反不及莊墨申韓之怪僻險
賊邪曰以其夷也果不信道而斥焉以夷則
將友惡來盜跖而賤李札由余乎非所謂去
名求實者矣云云韓退之作原道云舉夷狄
之法而加之先王之教之上幾何其不胥而
為夷也然則如之何其可也曰人其人火其
書廬其居明先王之道以道之亦庶乎其可

也。○女孖墳文云愈為少秋官言佛夷鬼其
法亂治可一掃去云云
王荊公非韓云人有樂孟子之距楊墨而
以斥佛老為已功莊子所謂夏虫者斯人
之謂乎云云
蘇子瞻非韓云退之於聖人之道知好其
名而未察其實其論至於理而不稽往往
自叛其說而不知云云
西蜀龍先生作非韓百篇云云
明教嵩禪師作非韓三十篇云云
祖印訥禪師與歐陽公論退之排佛者見
二書云云

宋仁宗諫議歐陽脩著本論謂佛法為中國
愚又曰今佛之法可謂姦邪又曰千年佛老
賊中國云脩左遷滁州將歸廬陵遊廬山謁
祖印訥禪師與之論道肅然心服平時排佛
為之內銷祖印謂曰退之倡排佛老足下今
又和之將使後世好名之士援韓氏歐陽氏
以為法豈不為威德之累足下所著本論攷
攷以毀佛為務以蒐狩喪祭卿飲之禮為勝
佛之本是猶退之原道實不知道脩大驚報
師復為說悟心之旨自此頗有省發及入參
大政每舉於公卿之前歲時嘗問未嘗絕出
知揚州高麗遣使問魏武注孫三處要義開

注詔問脩不知荅飭使者往問祖印師曰兵
者機密之事不可以示人使反命以其言應
詔

歐陽外傳云歐子撰新唐書如高僧玄奘
神秀諸傳及正觀為戰士建寺之文並與
削去司馬君實云永祿不喜佛曰唐史有
焉上

涉其事者必去之因曰駕性命道德之空
言者韓文也祇治亂成敗之實效者新書
也孝宗御製原道論云朕觀韓愈原道
論徒文繁而理迂耳云

化胡偽經
晉成帝道士王符偽撰老子化胡經墮地獄

受苦

北魏孝昭道士姜斌引關天經說老子西入
化胡以佛為侍者沙門曇謨最言佛生昭王
時後三百四十五年定王時老子始生太尉
蕭綜劾奏開天偽經罪當貳眾詔流斌馬邑
唐高宗詔議老子化胡經沙門法明曰既無
翻譯朝代豈非偽造乃勅令搜聚偽本一處
禁棄○武后沙門惠澄乞依前朝毀化胡經
勅八學士議○中宗敕毀化胡經及畫壁變
相違者科罪
事魔邪黨
末尼火袄天相者初波斯國有蘇魯支行火

袄教弟子來化中國唐正觀五年其徒穆護
何祿詣關進袄教勅京師建大秦寺○武后
延載元年波斯國拂多誕持二宗經偽教來
朝○玄宗開元二十年敕末尼本是邪見妄
稱佛教既為西胡師法其徒自行不須科罰
○天寶四年敕兩京諸郡有波斯寺者並改
名大秦碑○大歷三年敕回紇及荆揚等州奉
末尼各建大雲光明寺六年回紇請荆揚洪
越等州置摩邪寺其徒白衣白冠○會昌三
年敕天下末尼寺並廢京城女末尼七十二
人皆死在回紇者流之諸道五年敕大秦積
護火袄等二千人並勒還俗○梁貞明六年

陳州末尼反立母乙為天子朝廷殺其會斬
之其徒以不茹葷飲酒衣裘嫖穢畫魔王踞
坐佛為洗足云佛止大乘我乃上上桑
白雲菜者徽宗大觀間西京寶應寺僧孔清
覺居杭之白雲菴立四果十地造論數篇教
於流俗亦曰十地菜覺海愚禪師辨之有司
流恩州嘉泰二年白雲菴沈智元自執道民
進狀乞額臣察言道民者喫菜事魔所謂姦
民者也既非僧道童行自植黨與千百為群
挾持杖教聲勢愚俗或以脩橋砌路斂率民
財創立私菴為通逃淵藪乞將智元長流遠
地拆除菴宇以為傳習魔法之戒奏可

永樂北藏

佛祖統紀

白蓮菜者高宗紹興初吳郡延祥院僧弟子
元休倣天台出圓融四土國晨朝礼懺文偈
歌四句佛念五聲勸男女修淨業戒護生為
尤謹稱為白蓮導師有以事魔論于有司者
詆之江州其徒展轉相教至今為盛
良渚曰此三者皆假名佛教以誑愚俗猶

五行之有沴氣也今摩尼尚扇於三山而
白蓮白雲蒙蒙有習之者大邑不事葷酒
故易於裕足不殺物命故近於為善愚民
無知皆樂趨之故其黨不勸而自盛甚至
第宅娼妾為魔女所誘入其眾中以脩懺
念佛為名而實道姦穢有識士夫宜加禁

上

張

蘇

毀法惡報

魏高貴鄉公嗣賓國王害師子尊者白乳酒

高數尺王臂尋墮七日命終

晉安帝曇無識在涼譯經後西歸涼王遣人

刺於路王見神人以劍刺之遂卒

馬王

七六五

宋沙門惠琳著黑白論與佛理相違後感疾

膚肉糜爛竟死時以為叛教之報○簡靜寺

尼用書經絹為兒衣身瘡白蟲號叫而死

梁武帝沙門智稜值寇還俗道士孟恣達勸

為黃冠引佛教潤色諸道經暮年為道士諱

西昇經忽失音舌卷於座委頓而死○望蔡

令殺牛飲咬卧佛堂上白癩病死

宋真宗慈照聰禪師郡守管之師曰教它平

地起骨堆守全家死○神宗王安石于旁窺

性險惡既亡荷鐵枷告父安石請以江寧園

廬為僧寺即寺○徽宗宣和殿佛法楊戩議

殿太平興國寺瘞佛像於殿基已而戩病胸

腹潰裂而死○詔天下建神霄宮太平州將

拆承天寺主議者石儀曹一子為金甲神納

于火曰石某絕嗣

佛祖統紀卷第五十四

總

聖